

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI



Broj: 02-04-2404/22-AP-3
Datum: 14.09.2022. godine

GRADSKO VIJEĆE ZAVIDOVIĆI
n/r PREDSJEDAVAJUĆA GRADSKOG VIJEĆA
mr. iur. Erna Merdić Smailhodžić

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
STRUČNA SLUŽBA GRADONAČELNIKA

Primljeno	19-09-2022		
Org. jed.	Sl. broj	Red. broj	Br. prijema
01	04	2488	22

PREDMET: Izvještaj o stanju zaposlenosti na području Grada Zavidovići, dostavlja se

U prilogu akta dostavljam Vam Izvještaj o stanju zaposlenosti na području Grada Zavidovići.

Izvještaj o stanju zaposlenosti na području Grada Zavidovići dostavljam Gradskom vijeću Zavidovići radi uvrštavanja u dnevni red sjednice Gradskog vijeća.

S poštovanjem

Dostavljeno:

1. Naslovu,
2. U spis.

GRADONAČELNIK

doc. dr. Hašim Mujanović

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI

Služba za upravu privrede, lokalni
razvoj, infrastrukturu i međunarodnu
saradnju



BOSNA I HERCEGOVINA FEDERACIJA BOSNE I HERCEGOVINE ZENIČKO-DOBOJSKI KANTON GRAD ZAVIDOVIĆI POSREDOVAČNA SLUŽBA OPĆINE ZAVIDOVIĆI			
Datum: 07-09-2022			
Org. jed.	Kl. ozn.	Red. broj	Prilozi
02	04	2404/22	

Broj: 03-45-10-132/22

Datum: 06.09.2022. godine

GRADONAČELNIK
-ovdje-

PREDMET: Izvještaj o stanju stanju zaposlenosti na području grada Zavidovići,
dostavlja se

U skladu sa Programom rada Općinskog vijeća Zavidovići broj: 01-04-2560/21-AP-7 od 29.12.2021. godine ("Službeni glasnik Općine Zavidovići", broj: 11/2021) u prilogu akta dostavljamo Vam prijedlog Izvještaja o stanju stanju zaposlenosti na području grada Zavidovići, čije razmatranje je predviđeno za septembarsku sjednicu Gradskog vijeća.

S poštovanjem,

POMOĆNIK GRADONAČELNIKA

Obradio: Almir Mustafić

mr. sc. Džeraldina Miličević



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI



Broj: 02-04-2404/22-AP-2
Datum: 14.09.2022. godine

IZVJEŠTAJ

o stanju zaposlenosti na području Grada Zavidovići



Broj: 02-04-2404/22-AP-2
Datum: 14.09.2022. godine

GRADSKO VIJEĆE
ZAVIDOVIĆI

PREDMET: Izvještaj o stanju zaposlenosti na području Grada Zavidovići

1. UVOD


Programom rada Općinskog vijeća Zavidovići za 2022. godinu, broj: 01-04-2560/21-AP-7 od 29.12.2021. godine („Službeni glasnik Općine Zavidovići”, broj: 11/2021), za septembarsku sjednicu Gradskog vijeća Zavidovići, pored ostalih tačaka planirano je i razmatranje Izvještaja o stanju zaposlenosti na području grada Zavidovići. Pripremajući ovaj Izvještaj Služba za upravu privrede, lokalni razvoj, infrastrukturu i međunarodnu saradnju je koristila dostupne zvanične podatke Federalnog zavoda za statistiku i Federalnog zavoda za programiranje razvoja.

2. ZAPOSLENOST NA PODRUČJU GRADA ZAVIDOVIĆI

2.1. Zaposlenost na području grada Zavidovići u odnosu na ZE-DO kanton, FBiH i BiH:

Prosječan broj zaposlenih osoba na području Grada Zavidovići prema statističkim pokazateljima u 2021. godini iznosi 4.757, te je u odnosu na 2020. godinu zabilježen blagi pad od 1%, a u istom periodu zabilježen blagi porast zaposlenosti od 1% na nivou Bosne i Hercegovine i na nivou Federacije Bosne i Hercegovine, dok je na nivou Zeničko-dobojskog kantona stopa zaposlenosti stagnirala.


	GODINA		INDEKS
	2020	2021	2021/2020
BiH	813.942	823.599	1,01
FEDERACIJA BiH	520.162	525.397	1,01
ZE-DO KANTON	82.073	82.178	1,00
ZAVIDOVIĆI	4.811	4.757	0,99



Poredeći stopu zaposlenosti u periodu 2021. godina u odnosu na 2020. godinu Grad Zavidovići je u nivou prosjeka Zeničko-dobojskog kantona gdje je stopa zaposlenosti stagnirala.

JLS	GODINA		INDEKS
	2020	2021	2021/2020
BREZA	2.962	2.912	0,98
DOBOJ-JUG	1539	1.533	1,00
KAKANJ	7.098	6.970	0,98
MAGLAJ	4.311	4.250	0,99
OLOVO	1.888	1.947	1,03
TEŠANJ	13.535	13.783	1,02
USORA	1780	1921	1,08
VAREŠ	1.228	1.242	1,01
VISOKO	10.304	10.389	1,01
ZAVIDOVIĆI	4.811	4.757	0,99
ZENICA	27.136	26.906	0,99
ŽEPČE	5.481	5.568	1,02
UKUPNO ZDK:	82.073	82.178	1,00

Grafički prikaz zaposlenosti u Gradu Zavidovići za period 2020-2021. godine u poređenju sa općinom Usora, kao općinom sa najpovoljnijom stopom rasta zaposlenosti u ZDK i općinama Breza i Maglaj kao općinama sa nepovoljnim stopama zaposlenosti.



Trenuta zaposlenost iskazuje tendenciju stagnacije kako na području Grada Zavidovići, tako i na području cijele Bosne i Hercegovine, što je rezultat postupnog oporavka privrede nakon „korona krize“.

2.2. Stopa zaposlenosti¹ u Gradu Zavidovići u 2021. godini

	Stanovništvo (prisutno)	Prosječan broj zaposlenih	Radno sposobno stanovništvo	Radno aktivno stanovništvo (zaposl.+nezap.)	Stopa zaposlenosti u %		
					Stano- vništvo	Radno sp.stan	Aktivno stan.
FBIH	2.168.602	525.397	1.499.495	837.076	24,2	35,0	62,7
ZDK	354.285	82.175	245.423	136.721	23,2	33,5	60,1
ZAVIDOVIĆI	34.717	4.757	24.302	10.648	13,7	19,6	44,7

Detaljnija analiza stope zaposlenosti u Gradu Zavidovići u 2021. godini je pokazala da je stopa zaposlenosti u odnosu na prisutno stanovništvo 13,7%, u odnosu na ukupan broj radno sposobnog stanovništva 19,6%, dok u odnosu na aktivno stanovništvo ona dostiže 44,7%.

¹ Stopa zaposlenosti se izračunava tako da se broj zaposlenih podijeli sa prisutnim stanovništvom i pomnoži sa 100. Prema metodologiji EU statistike, stopa zaposlenosti se izračunava tako da se broj zaposlenih podijeli sa radno sposobnim stanovništvom (starosti između 15 i 65 godina) i pomnoži sa 100. Prema metodologiji Centralne banke, stopa zaposlenosti se izračunava tako da se broj zaposlenih podijeli sa aktivnim stanovništvom (radna snaga, tj. zaposleni + nezaposleni) i pomnoži sa 100.


Od ukupnog broja zaposlenih u Zeničko-dobojskom kantonu, udio Grada Zavidovići iznosi 5,8%.

3. NETO PLAĆA

3.1. Neto plaća na području grada Zavidovići u odnosu na Zeničko-dobojski kanton, FBiH i BiH:

Prosječna neto plaća na području Grada Zavidovići prema statističkim pokazateljima u 2021. godini iznosi 812,00 KM te je u odnosu na 2020. godinu zabilježen rast od 8%, a u istom je periodu zabilježen rast neto plaće od 5% na nivou Zeničko-dobojskog kantona, te 4% na nivou Federacije Bosne i Hercegovine i nivou Bosne i Hercegovine.

	GODINA		INDEKS
	2020	2021	2021/2020
BiH	956	998	1,04
FEDERACIJA BiH	956	996	1,04
ZE-DO KANTON	820	858	1,05
ZAVIDOVIĆI	751	812	1,08




3.2. Prosječna neto plaća na području grada Zavidovići

JLS	GODINA		INDEKS
	2020	2021	2021/2020
BREZA	970	955	0,98
DOBOJ-JUG	717	705	0,98
KAKANJ	1087	1110	1,02
MAGLAJ	739	795	1,08

OLOVO	720	772	1,07
TEŠANJ	652	707	1,08
USORA	776	843	1,09
VAREŠ	858	866	1,01
VISOKO	663	700	1,06
ZAVIDOVIĆI	751	812	1,08
ZENICA	935	967	1,03
ŽEPČE	677	720	1,06
UKUPNO ZDK:	820	858	1,05

Grad Zavidovići je u skupini jedinica lokalne samouprave sa srednjim prosjekom neto plaće u ZDK i ona je u 2021. godine iznosila 812,00 KM, te je u odnosu na 2020. godinu zabilježen rast neto plaće od 8%.




4. NEZAPOSLENOST NA PODRUČJU GRADA ZAVIDOVIĆI

4.1. Nezaposlenost na području Grada Zavidovići u odnosu na Zeničko-dobojski kanton, FBiH i BiH:

Prosječan broj nezaposlenih osoba na području Grada Zavidovići prema statističkim pokazateljima u 2021. godini iznosi 5.891, te je u odnosu na 2020. godinu zabilježen pad od 3%, dok je u istom periodu zabilježen pad nezaposlenosti od 4% na nivou Zeničko-dobojskog kantona, 3% na nivou Federacije Bosne i Hercegovine, te 9% na nivou Bosne i Hercegovine.


	GODINA		INDEKS	
	2020	2021	2021/2020	
BiH	413.627	378.079	0,91	
FEDERACIJA BiH	321.581	311.697	0,97	
ZE-DO KANTON	56.527	54.543	0,96	
ZAVIDOVIĆI	6.069	5.891	0,97	



Poredeći stopu smanjenja i povećanja nezaposlenosti u periodu 2021. godina u odnosu na 2020. godinu, Grad Zavidovići je na nivou većine jedinica lokalne samouprave Zeničko-dobojskog kantona gdje se stopa smanjenja nezaposlenosti kretala u prosjeku oko 4%.

	GODINA		INDEKS
	2020	2021	2021/2020
BREZA	1.666	1.576	0,95
DOBOJ-JUG	692	666	0,96
KAKANJ	6.097	5.898	0,97
MAGLAJ	3.889	3.719	0,96
OLOVO	1.457	1.362	0,93
TEŠANJ	5.830	5.627	0,97
USORA	609	578	0,95

VAREŠ	966	880	0,91
VISOKO	6.359	6.284	0,99
ZAVIDOVIĆI	6.069	5.891	0,97
ZENICA	18.776	18.033	0,96
ŽEPČE	4.117	4.029	0,98
UKUPNO ZDK:	56.527	54.543	0,96



Kada govorimo o nezaposlenosti moramo uzeti u obzir i činjenicu da jedan broj zaposlenih u privatnim preduzećima nije prijavljen zvaničnim službama, zbog izbjegavanja plaćanja doprinosa i poreza. Izvjestan broj nezaposlenih bavi se «neformalnim biznisom», odnosno sivom ekonomijom.

Upoređujući zaposlenost i nezaposlenost evidentno je da područje Grada karakterizira visok stepen nezaposlenosti - veći od prosjeka kantona i FBiH. Stopa nezaposlenosti u odnosu na aktivno stanovništvo iznosi 55,3% što predstavlja ogroman socijalni problem i ozbiljnu prepreku ekonomskom razvoju grada.

4.2. Nezaposlenost prema kvalifikacionoj strukturi

Najveći broj nezaposlenih su KV i NKV lica, te nakon njih SSS, a razlozi koji utiču na nezaposlenosti su neusklađenost obrazovnog sistema sa potrebama tržišta rada, ograničene mogućnosti za novo zapošljavanje u društvenom sektoru, odnosno državnom, nedovoljna razvijenost privatnog sektora, konstatan priliv novih generacija (završenih srednjoškolaca i fakultetski obrazovanih lica), rad na «crno» i sl.

U periodu 2021. godina u odnosu na 2020. godinu stopa nezaposlenih lica sa visokom stručnom spremom se smanjila za 8%, stopa nezaposlenih lica sa višom stručnom spremom se

smanjila za 14%, a stopa nezaposlenih lica sa srednjom stručnom spremom se smanjila za 4%, što je najvjerovatnije rezultat oporavka tržišta od „korona krize“.

Najzastupljenija zanimanja nezaposlenih osoba sa visokom i višom stručnom spremom su pravnici, ekonomisti i prosvjetni radnici, sa srednjom stručnom spremom IV – stepen su maturanti gimnazije, tehničari za drvo, mašinski, šumarski, građevinski i ekonomski tehničari, a sa III stepenom obrazovanja su stolari, automehaničari, frizeri, bravari, konfektionari, kuhari i zidari.

PREGLED NEZAPOSLENOSTI PREMA KVALIFIKACIONOJ STRUKTURI									
	VSS	VŠS	SSS	NSS	VKV	KV	PKV	NKV	UKUPNO
2020 GODINA	303	21	1.512	1	17	2.323	123	1.769	6.069
2021 GODINA	278	16	1.449	0	15	2.296	113	1.724	5.891
INDEKS 2021/2020	0,92	0,76	0,96	0,00	0,88	0,99	0,92	0,97	0,97

4.3. Stepenn nezaposlenosti u gradu Zavidovići u 2021. godini

	Nezaposleni	Zaposleni ²	Ukupno radno aktivno stanovništvo	Radno sposobno stanovništvo	Stepen ³ nezaposlenosti	Stepen ⁴ nezaposlenosti
FBIH	311.697	525.397	837.094	1.499.495	20,8%	37,2%
ZDK	54.543	82.178	136.721	245.423	22,2%	39,9%
ZAVIDOVIĆI	5.891	4.757	10.648	24.302	24,2%	55,3%

Stopa nezaposlenosti u Gradu Zavidovići u odnosu na ukupno radno aktivno stanovništvo u 2021. godini iznosila je 55,3% i ista je viša u odnosu na prosječnu stopu nezaposlenosti u ZDK koja je iznosila 39,9%, odnosno prosječnu stopu nezaposlenosti u FBiH koja je iznosila 37,2%.

Ipak, bitno je napomenuti da se procjenjuje da je stopa nezaposlenosti generalno u BiH znatno niža u odnosu na administrativnu registriranu stopu nezaposlenosti, jer ne postoji način tačnog utvrđivanja zaposlenih u sivoj ekonomiji, tako da se procjenjuje da je i stopa nezaposlenosti u gradu Zavidovići i ZDK-u niža od registrirane, ali za koliko, to nije moguće sa sigurnošću utvrditi.

² Ukupna zaposlenost na teritoriji FBiH obuhvaća zaposlene u poslovnim subjektima (pravnim licima), obrtu i slobodnim profesijama, odbrani i policiji. Broj zaposlenih u odbrani (6.173), nije razvrstan po općinama i kantonima.

³ Stepenn nezaposlenosti se računa tako što se broj nezaposlenih podjeli sa radno sposobnim stanovništvom i pomnoži sa 100 (EU metodologija).

⁴ Stepenn nezaposlenosti se izračunava tako što se broj nezaposlenih podjeli sa radno aktivnim stanovništvom (radnom snagom tj. Zaposleni + nezaposleni) i pomnoži sa 100.


Izvor podataka: Za zaposlenost i nezaposlenost: Federalni zavod za statistiku, Federalni zavod za programiranje razvoja.

4.4. Dugoročni trend zaposlenosti i nezaposlenosti

GODINA	ZAPOSLENOST	NEZAPOSLENOST	Radno aktivno stanovništvo (zaposl.+nezap.)
2008	5.854	6.335	12.189
2009	5.485	6.562	12.047
2010	4.958	6.962	11.920
2011	4.899	7.199	12.098
2012	3.545	7.331	10.876
2013	3.609	7.378	10.987
2014	3.642	7.404	11.046
2015	3.768	7.343	11.111
2016	3.987	7.073	11.060
2017	4.158	7.357	11.515
2018	4.946	6.693	11.639
2019	5.021	6.083	11.104
2020	4.811	6.067	10.878
2021	4.757	5.891	10.648

Statistički, dugoročno posmatrano trend zaposlenosti i nezaposlenosti je lineran pravolinijski trend, na kojem su uočljive oscilacije u periodu 2009.-2013. i 2020.-2021. godina. Pad zaposlenosti i porast nezaposlenosti na području našeg Grada dolazi do izražaja od 2009.-2013. godina, što je dijelom posljedica svjetske recesije, a dijelom posljedica neuspjehe privatizacije IP „Krivaja“ d. o. o. kao bivšeg najvećeg poslodavca na području našeg Grada.

Također, značajan pad zaposlenosti uočava se u periodu 2020.-2021., a što je posljedica svjetske krize uzrokovane pandemijom koronavirusa. U ovom periodu nije uočljiv značajan porast nezaposlenosti, što je rezultat odlaska radne snage u inostranstvo.



5. PENZIONERI

U Gradu Zavidovići broj penzionera u decembru 2021. godine iznosio je 5.851 što je 9,4% od ukupnog broja penzionera u ZDK, odnosno 1,66% od ukupnog broja penzionera u FBiH. Ukupan udio penzionera u 2021. godini u odnosu na stanovništvo na području općine iznosio je 14,45%.

5.1. Prosječne penzije u gradu Zavidovići u 2021. godini

	Udio penzionera u stanovništvu %	Broj zaposlenih na 1 penzionera	Ukupna prosječna penzija u KM	Prosječna starosna penzija u KM	Prosječna invalidska penzija u KM	Prosječna porodična penzija u KM
FBiH	16,20	1,2	427,50	466,85	371,64	375,40
ZDK	17,61	1,3	452,65	502,27	388,45	384,36
ZAVIDOVIĆI	16,85	0,8	398,29	426,08	372,65	363,66

Ukupna prosječna penzija u Gradu Zavidovići u 2021. godini iznosila je 398,29 KM što je za 12% manje u odnosu na prosječnu penziju u ZDK, odnosno za 6,8% manje u odnosu na prosječnu penziju u FBiH.

5.2. Broj penzionera i iznos penzija u gradu Zavidovići u 2021. godini

	Vrsta penzije						Ukupno	
	Starosne		Invalidske		Porodične		Penzio neri	Iznos penzija
	Broj	Iznos	Broj	Iznos	Broj	Iznos		
FBIH	195.314	104.594.038	52.094	20.709.661	103.970	40.968.933	351.378	166.168.632
ZDK	35.861	18.011.955	8.024	3.116.946	18.514	7.115.964	62.399	28.244.865
ZAVIDOVIĆI	3.108	1.324.255	958	357.000	1.785	649.131	5.851	2.330.386

U općini Zavidovići u toku 2021. godine prosječno mjesečno se isplaćivalo 2.330.386 KM penzija za 5.851 penzionera prema svim vrstama penzija.

6. PREGLED NAJVAŽNIJIH PROGRAMA AKTIVNIH MJERA ZAPOSŁJAVANJA

Programi Federalnog zavoda za zapošljavanje i kantonalnih službi zapošljavanja:

6.1. Program sufinansiranja zapošljavanja

Program se realizira s ciljem zapošljavanja najmanje 9000 osoba sa evidencije nezaposlenih u Federaciji BiH sa posebnom socijalnom i rodnom osjetljivošću, radi njihovog zapošljavanja, sprečavanja dugotrajne nezaposlenosti, očuvanja i unapređenja radnih sposobnosti, te stvaranja uvjeta za jačanje konkurentnosti mladih osoba bez radnog iskustva kroz osposobljavanje za rad u struci i stjecanje prvog radnog iskustva.

Cilj ove mjere je da se nezaposlenim osobama olakša integracija na tržištu rada i spriječi dugotrajna nezaposlenost, te pojača njihova motivacija i aktivnost u traženju posla.

6.2. Program „Obuka i rada“ 2022

Program se realizira s ciljem povećanja konkurentnosti nezaposlenih osoba kroz obuku kod poznatog poslodavca, kao i obezbjeđenja prilike za zapošljavanje. Programom je planirana obuka u konkretnom poslovnom okruženju za 500 nezaposlenih osoba, a od kojih će najmanje 300 zasnovati radni odnos kod poslodavca koji je organizirao obuku. Kroz potrebe konkretnog poslodavca, ali i za otvoreno tržište rada, potiče se rješavanje problema prilagođavanja radne snage i zadovoljavanje stvarnih potreba tržišta rada.

6.3. Program sufinansiranja zapošljavanja – Start up 2022

Poticanje najmanje 2.500 osoba sa evidencije nezaposlenih u Federaciji BiH na samozapošljavanje, pokretanjem djelatnosti / društva, kao i na zapošljavanje drugih osoba sa evidencije nezaposlenih u pokrenutim djelatnostima.

6.4. Program sufinansiranja samozapošljavanja u oblasti poljoprivrede

Program se realizira s ciljem samozapošljavanja i zapošljavanja najmanje 150 osoba sa evidencije nezaposlenih u Federaciji BiH u novoregistrovanim poslovnim subjektima (obrtima) u oblasti poljoprivrede.

6.5. Program sufinansiranja zapošljavanja u oblasti poljoprivrede

Program se realizira s ciljem zapošljavanja najmanje 50 osoba sa evidencije nezaposlenih u

Federaciji BiH u već postojećim poslovnim subjektima (obrtima) u oblasti poljoprivrede.

7. PREGLED AKTIVNOSTI GRADA ZAVIDOVIĆI NA PODRŽAVANJU I POVEĆANJU STEPENA ZAPOSLENOSTI

7.1. Projekat „IMPAKT Inkubator poslovnih ideja“

U okviru projekta „IMPAKT Inkubator poslovnih ideja“ koji se provodi u toku 2021. i 2022. godine Grad Zavidovići je implementirao i realizovao projekat u saradnji sa Investicijskom fondacijom IMPAKT Sarajevo, a koji se odnosi na podršku razvoju poduzetništva i očuvanju radnih mjesta poduzetnika i mladih preduzeća.

Projekat obuhvata sveobuhvatan program inkubacije poslovnih ideja koji se sastojao iz sljedećih komponenti:

1. poduzetničke obuke: fokusiranje na razvoj poslovnog plana i poslovnog modela, te jačanje poduzetničkih vještina, kontinuirana stručna i mentorska podrška trenera u izradi zadataka i finalnoj izradi poslovnog plana i poslovnog modela,
2. priprema i realizacija prezentacije poslovnih ideja pred stručnom komisijom,
3. dodjela bespovratne finansijske podrške u iznosu od 5.000,00 KM za najbolje pozitivno ocijenjene poslovne ideje,
4. stručna i mentorska podrška u daljem rastu i razvoju biznisa.

U novembru 2021. godine podržano je ukupno 5 poslovnih ideja i dodijeljena bespovratna sredstva od 5.000,00 KM (ukupno 25.000,00 KM) za poduzetnike na području Grada Zavidovića.

U drugoj godini realizacije (do jula 2022. godine) navedenog projekta podržano je ukupno 6 poslovnih ideja i dodijeljena bespovratna sredstva od 5.000,00 KM (ukupno 30.000,00 KM).

7.2. Podrška socio-ekonomskoj stabilnosti regije Zapadnog Balkana 2021-2022

U februaru 2022. godine počela je implementacija projekta „Podrška socio-ekonomskoj stabilnosti regije Zapadnog Balkana 2021-2022“ sa njemačkom nevladinom organizacijom HELP, kojim je predviđena dodjela materijalnih sredstava za korisnike grantu za pokretanje ili daljnji razvoj malog biznisa i korisnike grantu za stručno osposobljavanje na području grada. Cilj projekta je bio da se olakša inkubacija samostalnih biznisa i samozapošljavanje kroz mjere pomoći za sticanje dohotka u ciljanom ekonomskom sektoru, sa održivom poslovnom idejom za započinjanje ili razvoj samostalnih poslovnih ideja.

Prioritet, a ovisno o održivosti predložene poslovne ideje, su imali samohrani roditelji, žene, mlade osobe i osobe sa trajnim invalidetom.

Ukupna vrijednost grantu je bila 2.000,00 EUR, a dodjeljivana je u vidu materijalnih sredstava potrebnih za poslovnu aktivnost, bez gotovinskih isplata.

Nakon utvrđene konačne liste u junu 2022. godine od ukupno 34 lica; 18 lica je izabrano od strane komisije, a koji su podržani u okviru navedenog programa. Materijalna sredstva su se počela isporučivati početkom augusta 2022. godine.

Također, u okviru gore navedenog projekta Grad Zavidovići se opredijelilo za program edukacije / obuke za CNC operatere. U okviru navedenog, 10 polaznika obuke sa područja Grada Zavidovići pohađat će obuku za rad na trosnoj CNC glodalici. Po završetku obuke koja se sastoji iz teorijskog i praktičnog dijela polaznici će steći priznati sertifikat. Početak obuke je planiran za prvi dio septembra tekuće godine, u prostorima Mješovite srednje škole Zavidovići.

7.3. Dijaspora program

„Dijaspora program“ je također jedan od značajnijih programa podrške potencijalnim korisnicima bespovratnih sredstava za poduzetničke ideje. U okviru aktivnosti podrške i finansiranja biznisa, Grad Zavidovići i Fondacija Mozaik, Sarajevo, su kreirala zajednički Fond sredstava u iznosu od 40.000,00 KM za dijasporu Grada Zavidovići. Javni poziv za prijavu po navedenom programu otvoren je u februaru 2022. godine i bit će otvoren do utroška sredstava ili do februara 2023. godine, uz mogućnost produženja istog.

Funkcionisanje uspostavljenog Fonda sredstava na lokalnom nivou ogleda se u tome da potencijalni korisnici moraju dokazati svoj status dijaspore; da posluju do 12 mjeseci na području lokalne zajednice ili da žele da registruju preduzeće (d. o. o.); da sufinansiraju poslovni poduhvat u odnosu na 1:1 na traženi iznos sredstava iz Fonda; max. iznos za koji mogu da apliciraju je 50% od raspoloživih sredstava iz Fonda.

Nakon svih pristiglih prijava, Komisija će razmatrati iste, a do kraja 2022. godine, planirano je da se podrže dva poslovna poduhvata.

7.4. Program poticaja privrede na području Grada Zavidovići za 2022. godinu

U Budžetu Grada Zavidovići su obezbijedena i sredstva za subvencioniranje privrede i zapošljavanje, a u okviru Programa poticaja privrede na području Grada Zavidovići za 2022. godinu.

Neki od ciljeva ovog programa su između ostalog: poticanje novog zapošljavanja i kreiranje novih radnih mjesta, finansiranje programa razvoja poduzetništva (mikro, malih i srednjih preduzeća), promocija poduzetništva žena itd. Programom su utvrđene četiti mjere i aktivnosti u postizanju navedenih ciljeva; odnosno mjere na koje su se potencijalni korisnici mogli prijaviti za sufinansiranje i to: subvencioniranje unapređenja poslovanja, subvencioniranje kamatne stope za poduzetničke kredite, razvoj poduzetništva žena i subvencioniranje dijela troškova zakupa poslovnog prostora na području Grada.

U toku ove godine pristiglo je ukupno 95 prijava, od čega 13 nije ispunjavalo uslove po Javnom pozivu.

Nakon provedenog postupka i utvrđene konačne liste, početkom septembra tekuće godine, Gradonačelnik je donio Odluku o dodjeli poticajnih sredstva, u ukupnom iznosu 105.879,84 KM.

Obradio:

(Almir Mustafić)

Kontrolisala:

(Džeraldina Miličević)



GRADONAČELNIK

doc. dr. Hašim Mujanović

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
GRADSKO VIJEĆE



**Komisija za društvene djelatnosti,
ljudska prava, mlade i
ravnopravnost spolova**

Broj: 01-04-2488/22-AP-2

Datum: 21.10.2022. godine

Na osnovu člana 13., 17. i 18. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022), člana 33. i 47. Poslovnika o radu Općinskog vijeća Zavidovići („Službeni glasnik Općine Zavidovići“, broj: 7/14 – prečišćeni tekst, 8/14 – isp., 9/14, 8/18, 8/19 i 4/21) i („Službeni glasnik Grada Zavidovići“, broj: 4/22 i 5/22), Komisija za društvene djelatnosti, ljudska prava, mlade i ravnopravnost spolova na 7. sjednici održanoj dana 21.10.2022. godine, razmatrala je Izvještaj o stanju zaposlenosti na području Grada Zavidovići, pa nakon rasprave donijela

ZAKLJUČAK

1. Komisija za društvene djelatnosti, ljudska prava, mlade i ravnopravnost spolova prihvata Izvještaj o stanju zaposlenosti na području Grada Zavidovići.
2. Izvještaj o stanju zaposlenosti na području Grada Zavidovići, dostavlja se predsjedavajućoj radi uvrštavanja u dnevni red sjednice Gradskog vijeća.
3. O realizaciji ovog Zaključka starat će se Stručna služba Gradskog vijeća.

